

湖山便覽卷五

仁和翟一擊同緝 杭州王維翰玉堂重訂

北山路

棲霞嶺陽為忠烈廟舊有流芳亭項承恩書畫肆仇山村張光弼二墓近

南有烏石峯棲霞洞紫雲洞妙智菴雙桐菴嬾雲

窩金鼓洞嶺顛為古劍關有牛侯墓白沙泉北為

掃帚塢有黃龍洞天龍洞舊有護國仁王寺黃龍祠六夢巖永安院

棲霞嶺 在葛嶺西一名履泰山舊多桃花燦如凝霞

元人或呼赤岸嶺下有水名桃溪經湖山神廟入湖

湖山便覽卷五

棲霞嶺

釋紹嵩棲霞道中集句 路僻閑行遠溪將罨畫道飛泉高瀉月細柳亂搖風欲孤城外山川暮靄中

曠然忘所在心與白雲空○張丹度棲霞嶺過嶺憇白沙鳥道青峯削飛巖勢欲摧盤木根如攫白石何嶙峋倚杖行復却耳聽水潺湲清泉泝絕壑徑僻老籐蔓山深間鳥雀蘿磴路紆迴竹澗溜磅礴幽隱與世絕冥搜氣蕭索亭午見日色扶柯蔽其郭已遇翠嶂傾復觸白雲作嗟嗟不知暮古洞夕陽落

忠烈廟 在棲霞嶺下祀宋少保岳武穆王飛初王誣

死潛瘞九曲叢祠孝宗雪其冤改墓今所以子雲祔

復官賜諡改廢智果觀音院為祠祭所賜額曰褒忠

衍福寺寶慶間改諡王曰忠武嘉定間追封鄂王宋

末寺廢元至元間經歷李全重建為廟塑王及其子

雲雷震霖靈像後作寢堂像王夫人與其女號銀瓶
娘子者內為啟忠祠祀王父母至正中加號保義廟
尋燬明洪武四年重建景泰間賜春秋祀及忠烈廟
額嘉靖間巡按御史張景刻蓋忠報國四大字于石
樹于墓南其字莆田洪珠書也墓上木皆南向有檜
樹為雷火所劈天順間郡丞馬偉以屬秦檜分屍之
象謂之分屍檜圍以石欄其樹至今猶活正德間指
揮李隆鑄銅為秦檜王氏万俟卨三像反接跪露臺
下萬歷間范涑復增以張俊 國朝重修廟墓凡五

湖山便覽卷五

棲霞嶺

二

次并建石坊祠前乾隆十六年

御題廟額曰偉烈純忠

林泳題岳祠天意只如此將軍足可傷忠無身報主宛有骨封王

○龔璠咏岳王孫縣尉復棲霞墓田岳鄂諸孫復
墓田清明寒食起新烟道旁為我除蒼檜山下如今
哭杜鵑高廟神靈應悔此中原父老尚凄然西湖靡
靡行人去却望棲霞轉可憐○王逢岳鄂王墓木皆
南向平江張師正命工圖之為題一首昔僑嘉會
門嘗謁岳王墓二樸儼喬梓十八松夾護一壁青天
豁半嶺靈籟度席然捲旄頭掣若列武庫勢回退飛
鷁神悅獨屏樹適來卉衣巫載陟苔花祚遺像雖土
木快觀猶披霧還鄉驚草味臨衝乏材具思得背鬼
軍少展常山步憂長家從隱髮短歲復暮溪園黃落
深多爾特我願粲粲岳林圖依依棲霞路物性本莫
齊英氣寔攸聚月中劍精起想像熊羆踞以神敬拂
拭老淚忽雨澍龍雲與魚水艱哉君臣遇益使澹蕩

人終身樂韋布○高啟岳王祠 大樹無枝向北風
千年遺恨泣英雄班師詔已成三殿射虜書猶說兩
宮每憶上方誰請劍空嗟高廟自藏弓
棲霞嶺上今回首不見諸陵白霧中

流芳亭 在岳墓西有石刻鄂王遺像亭廢後移石忠

烈廟寢殿右偏 薛季宣觀岳侯石像 萬死何如獄
吏尊威名蓋世古難存二桃豈是功

高賜一舸不容身退論幾為飲江思道濟謬因圖
像削王敦沈碑千古蛟川恨留與無窮客斷魂

項承恩書畫肆 承恩屢試不第遂隱西湖岳墳攜一

女奴供爨開小肆雜置書籍畫卷并盆花竹石索價

頗高李日華作詩贈之見六研齋筆記 李日華贈項
承恩 西湖

流水供濯足南屏山色對梳頭月夜酣眠琴作枕雪
朝跌坐絮為裘盆花巧作千金笑壁畫資高萬戶侯

湖山便覽卷五

棲霞嶺

三

何用更尋高士傳
先生風格在林邱

仇山村墓 在棲霞嶺下仇名遠字仁近家杭元初辟

為溧陽州學正未幾歸隱工詩文有山村集 張翥拜
棲霞仇

先生墓 淚灑荒苔積草中更無人迹紙
烟空墳前惟有山茶樹開到清明自落紅

張光弼墓 在棲霞嶺下張名昱廬陵人元時官左司

員外郎明初被徵以老病辭隱西湖自號可閑老人

又號一笑居士嘗曰吾死埋骨西湖題曰詩人張員

外某之墓足矣其後如所言詩集二卷末附陳謨樂

邱頌并叙畧云光弼營壽藏于西湖赤岸名曰樂邱

自為志銘示予因為作頌赤岸即棲霞嶺別稱也

烏石峯 在棲霞嶺上石色如墨故名武林梵志云闍

頭陀盛暑曝背峯上改名悟石杭州府志云明末蕭

山萍道人結宇峯前名曰巖艇有古松十一僧恬安

輯閣康熙初茅兆儒洪昇吳陳琰等有十一松巖閣

倡和詩一卷行世黃省曾度棲霞嶺戾止烏石峯禪

居靈扉瞻五覆紆嶺邁三沓既

矚遠川遶亦勝近山台泄靄盡幽泛度鳥舉清答聞

此絕世岑棲有息心衲即鴛構彌樓于奧締香榻惠

日清照臨慈雲滂吐納嶺贖玉林映巖巖翠屏匝煩

想靜流滌朗詠自摛發○景星杓登烏石峯凌雲

黻石削孤峯南渡猶餘倒壑松那為尋秋頻着展自

因叩法獨聞鐘溪聲吼處疑成虎山色飛來總是龍

湖山便覽卷五

棲霞嶺

四

欲借菴前千尺墨
磨崖飽落兔豪濃

棲霞洞 在嶺上洞如厦屋雙石相倚為門陰涼徹骨

暑遊最勝宋賈似道搜得榛莽中抉藏剔幽千態溢

發乃于洞外為亭二曰暢亭曰滄俗亭其左臂小方

臺縱橫二石級下達于坻仰觀石竇四五豁然通明

大者圓徑丈許出洞百餘步又有水洞泉極甘冽似

道嘗取以滄茗明末俗僧以遊人之多取土塞之僅

餘丈尺李彥弼傲暑棲霞洞 嵌竇棲霞歛虛轉杓

者多妙于焉消搖○吳太冲棲霞洞 棲霞石骨真
幽絕坐久鮮風吹客衣紅雨似潮聽不厭青况如髓

逖覽皆妙屬討顏竹茲開賞心于此足崿豁宜考槃
期當寓清築○張綱孫紫雲洞古洞低身入探幽
迹不凡地風從穴起石閣倒雲銜對息盤蛇徑高題
踞虎巖莓苔多水氣空翠濕衣衫○王士祿紫雲洞
歌 銀鋸割雲鬼夜哭墜向空山結靈屋紫光暉
蒸神砂覆釜硃研塵坤軸倒懸兩笏支崩鶩互啟雙
門納光燈我來正當赤馭踏蘇捫苔失炎燠楓沓
居然靈異棲幽深恐有蛟龍伏垂垂玉乳金壺傾神
漢天漿恣滲漉飯泥定可敵商芝煮石何須燃楚竹
公和自昔愛幽棲杖屨夜由來少仙福振衣迥策縈心
魂長嘯道
然嚮林木

雙桐菴 在紫雲洞側武林梵志云新安許太史買山

建竹逕迤巖窻幽寂可坐釋如曉遊雙桐菴訪了
元師挂鉢雙桐下巉

巖屋半間庭陰留夜月階色亂春山世念隨
雲薄禪心共鳥閑相過話岑寂莫厭叩柴關

湖山便覽卷五 棲霞嶺 六

懶雲窩 在紫雲洞下半里許錢塘縣志載棲霞嶺古

蹟有六夢巖黃龍潭堆雲鳴磬石峯文魚池懶雲窩

松風閣龍憩堂過人像九日厲鶚懶雲窩 殘陽在
檐間空翠落如雨道人

推貢高留客嘗法乳向夜依禪關惟有雲幾縷○金
志章懶雲窩 幽幽綠玉窩境僻游踪罕道人常閉

關心與雲俱懶竹鷄
清晝啼一鳴晴雲滿

古劍關 在棲霞嶺巔左寶雲右仙姑兩山夾峙若劍

門然宋立巡司于此嘉定中以張齊賢言詔臨安府

劍門嶺毋得伐石以洩山川之氣見玉牒初草西側

下嶺處有洞名蝙蝠洞

輔文侯墓 在劍門關畔侯牛皋字伯遠汝州魯山人

為岳武穆部將屢立戰功秦檜令田師中毒死之景

定初追封湖壩雜記云嘗有童牧牛墓上忽自投擲

山麓而折牛角于山之巔自此人莫敢犯陳奮永古劍關牛將

軍墓 碧峯雙插夾成關百戰長攜一劍還身是岳家軍步曲松楸如列墓門間

白沙泉 在劍門關西北嶺下明萬厯中築墓者偶鑿

得之泉甘而白甲于諸山取汲者爭喧如市其旁有

白沙菴吳焯白沙泉 纓度棲霞峽來尋白乳泉雲生石鏡裏山斷玉潭邊留客賞秋月為琴彈

水仙老僧頻汲取松下刺寒烟

湖山便覽卷五

棲霞嶺

七

金鼓洞 在劍門關南昔人伐石其間聞金鼓下作乃

止洞口有石泉湍涵深窈莫測金志章金鼓洞 飄渺野鶴林高出眾木

上石洞何哈呀鬼斧劈千丈不聞金鼓聲但聽流水響

掃帚塢 在棲霞嶺北之黃山橋宋趙經畧花園制置

使孟琪購地建護國仁王寺于此

黃龍洞 在掃帚塢遊覽志云自護國仁王寺斗折而

上有洞深杳莫測水泉紺凜旱不縮而潦不盈故老

相傳曩昔夏雨初霽時常有神物蜿蜒臥松上其氣

苒苒然而黃蓋黃龍也故號黃龍洞名勝志云宋瀆

祐間僧慧開說法隆興之黃龍山後卓錫于此有石
谿訝不合如礪忽雷聲震地劃然出泉色紺而冽澄
若重淵人以為龍隨錫至因名黃龍洞二說未知孰
是周文璞黃龍洞一自負圖與負舟天公闕之居
靈湫重瞳胼手久不作蒼苔古木兩漠漠朝來石
磴鱗鱗溼如覺蜿蜒為人出甘霖未甦焦卷多相候
吳雲莫相失○虞淳熙遊黃龍洞和壁間韻手揮
珊珊鞭驅龍馭雲車三十六天外謁帝餐雲芽鷲鳥
化鳴鳩伏鼠成白鴉前塵杳無迹不必常嗟呀春風
武陵源餘香散蜂衙劉阮亦何有玉相閉金沙○張
丹遊黃龍洞同毛稚黃弟祖定側徑綠山轉疎籬
遍澗澄汗流超石級色冷嚼潭冰蜜竹青無數危松
翠幾層日陰簷上雪雲網檻邊藤絕壑窺龍臥飛巖
見佛凭偶同二妙
賞興發自相乘

湖山便覽卷五

棲霞嶺

八

護國仁王寺 宋僧慧開自隆興至杭孟珙為買地建

寺淳祐五年賜額七年早有旨入選德殿演說問雨

何時霑足對以寂然不動感而遂通是夕雨如傾上

悅賜號佛眼禪師元末寺燬明初僧祖吉重修周文璞歸

憇仁王寺 重到招提未覺遲鉢單初副袷衣時僧
房齋院門閉梅子枇杷樹樹垂蟻蔭經幢求托化
龍纏佛座學慈悲長年無事
閒來此坐對空山瀟小詩

黃龍祠 在洞側宋淳祐八年丞相鄭清之躬禱得雨

賜護國龍祠額尋封靈濟侯明洪武七年旱監司郡

守致禱復應是冬新其祠教授徐一夔作記 國朝

康熙八年知府稽宗孟禱雨祠前之潭甘霖傾澍重
為題額并作詩紀之

天龍洞 武林舊事云天龍洞道者無門所開無門即
慧開之字宋嘉定五年慧開結菴于此為退休之所
嗣秀王師彌捐金增廣之參政樓鑰書天龍二大字
洞上有巨石插空高約二丈餘開諱已形矮劣命工
肖為巨像背緣光燄前施几案皆就石勢鑄成且私
祝曰願後有身等此既化去錢塘孫氏產男子偉相
非凡及長出家號中峯和尙時遂相傳為慧開後身

湖山便覽卷五

樓霞嶺

九

事詳六研齋筆記及名勝志今呼此菴曰積翠菴洞

曰無門洞

潘之恒西湖放生事竣雨中游無門洞分
得玉字 同流泛慈航各此生生祝縱鱗

悉還淵放翼仍樓谷豈伊曠山行不遑懷水宿衝泥
入冥烟乘興匪由速到門桑竹清捫洞翠黛觸青雲
起瑤島鑿水屑寒玉飛壁像飄雲歸然瞻丈六突兀
霄漢間敷澤想靈沃地舒寶勝光林奏陵迦曲感茲
出世因何願不酬復朔饑長莫辭息悲短莫續不
忍蹒跚羞甘受輪轉辱誓宏般若力共接西方躅
按前志多誤并黃龍洞天龍洞為
一今據臨安志武林舊事分列

六夢巖 明虞淳熙題并記其畧云北山有黃龍洞未

經遊先後具六夢夢非一時事皆一境癸巳三月真
遊洞陟級翻同夢遊睇洞外物都不殊意便題嚙語

石上有虞淳熙六夢巖三生勞六夢此日更追尋石

沉客是老龍否
重來應作霖

永安院 臨安志云在埽帚塢淳熙間僧道恩建為觀

音菴慶元二年發地得石幢有永安寺名并題廣順

二年歲次壬子二月丙午日建十四字就請為額以

奉吳秦王香火有小圃亭曰清芬

仙姑山下有耿家步石板菴張烈文侯墓舊有廖

神仙宮佛北為青芝塢有清漣寺玉泉洗心亭細

雨泉鄭竹隱墓舊有玉泉龍王廟白紙局西為鮑

湖山便覽卷五 仙姑山 十

家田舊有南禪資又西為神霄雷院西北為靈峯

寺有聽泉石又北為桃源嶺舊有濟王

仙姑山 一名靈苑山一名東山名勝志云仙姑介于

履泰靈隱之間蓋自靈隱以東統號曰仙姑山也有

仙姑泉其進路為東山街張昱仙姑泉次劉郎中韻

還到此中來青冥風露銀河近白石雷靈碣石摧神

女有時成暮雨胡麻何處是天台劉郎近不通仙籍
能得題詩
在紫苔

耿家步 武林舊事云蘓隄第六橋通耿家步港臨安

志云東山街在耿家步之北據文似即今徐大河頭

鮮于伯機廬 鄭元祐題温石觀葡萄詩先生傲廬耿

家步阿師舊日徑行路所稱先生謂伯機鮮于樞湖上新居

吾愛吾廬好臨池構小亭無人致青李有客覓黃庭樹古蟲書葉沙平鳥篆汀悅生堪自樂詎肯苦勞形

石板巷 有大小二巷小石板自東山街進路大石板

自九里松進路皆達青芝塢玉泉後山陳氏府志云

南渡駐蹕繞湖皆市廛也故有巷名

張烈文侯祠 在仙姑山下侯名憲蜀人岳鄂王部將

或曰其婿也為秦檜王俊誣陷死景定二年追封元

總管夏思忠立石表識其墓尋廢明正德間布衣王

湖山便覽卷五

仙姑山

十一

天祐發地得石白當事起而整之已復鼎建祠宇樹

石坊于祠外通衢吳璣弔張烈文侯墓將軍墳墓久淒涼一段精忠伴夕陽寂寂松

篁鎖烟霧離離不黍散牛羊遭逢盛世褒忠烈整頓荒邱待表彰料得英靈終不泯千秋猶是鎮錢唐

廖葑洲園 在仙姑山下廖名瑩中武林舊事云園有

花香竹色心太平相在世綵愛君子習說等亭癸辛

雜誌云葑洲湖邊之宅有世祿堂在勤堂懼齋習說

齋光祿觀相莊芳菲逕心太平愛君子門

按二書俱周公謹撰一皆稱亭一有堂齋莊門等別未知孰是法帖譜系有廖氏世綵堂帖則世綵亦不為亭名也此園與香月隣別故舊事兩載大抵瑩中既以香月獻賈而復自構園于此耳

神仙宮 一名淨勝院在仙姑山宋尼妙清建有偃松

如龍高宗嘗臨觀焉名御愛松 錢惟善三月望日與袁鵬舉賓玉同遊北

山東山神仙宮勝處訪喜鵲寺茂上人不遇泛舟而回 白麟耽句平生樂時得尋真半日間白白揚花迷道上青青梅子落林間三千歌舞如春夢四十飛騰未老顏喜鵲寺中尋舊話前身記得是香山

佛光福壽院 在仙姑山麓臨安志云原係小庵嘉定

十七年恭聖仁烈太后賜錢重建寧宗御書桂堂二

字扁之丈室

青枝塢 在仙姑山北臨安志履泰鄉管六里其一曰

青枝里是也武林舊事作青芝曹學佺云以常產青

湖山便覽卷五 仙姑山 三

芝而名未必然陽有五色土雜銀星者前為佛牙塢

釋永頤過青芝村觀梅花 梅花樹下春風靜苔荒薺老園春井山翁汲泉來點茶觸殘花下靈龍影

清漣寺 在青枝塢口即玉泉寺南齊建元間僧曇超

開山築菴晉天福三年改建為寺名淨空宋為御前

雨暘祈禱第一所淳祐間理宗御書玉泉淨空之院

六字明萬歷間重修 國朝康熙三十八年

賜名清漣寺 吳師道玉泉山圖 何許泉如玉元因有玉人山暉神夜發木秀澤含春此日還看畫無絲可

隣寄聲嘉遁者莫汚世間塵○陳詩教玉泉寺九里松邊路前朝古寺門客遊多馬迹地僻似漁村非為尋臍子將無傲棗園坐來重撫掌更得佐茶樽

玉泉 在清蓮寺周棟玉泉開山記云靈悟大師曇超始遊靈苑說法有老人來聽曰我龍也世居富春鹿山昆弟五人去冬邑民鑿山陶甓侵我室廬羣弟怒而不雨願師一往化之超謂此菴無水汝能致之乎老人撫掌而泉出今寺西南小方池擊聲如珠纍纍而湧上者是也其泉深不尋丈清澈可鑿五色大魚數百游泳如畫流出山外溉田三十餘頃宋淳祐間安撫趙與憲發池爲二其一池水翠綠雖以白粉投之亦成翠色

施樞玉泉 水蹟無增減從知地有靈羣魚潛異窟一芥納陰溟濟隱新留咏

湖山便覽卷五 仙姑山 三

超師舊講經聖時調玉燭龍睡不須醒○徐集孫玉泉看金魚 石沼鑿瓊瑤金鱗數百條年深須變化泉潔自逍遙網罟難垂手公卿擬上腰龍宮依法翻水雨青霄○宋伯仁玉泉寺金魚 金鱗韜隱已多時寺壁重泥又有詩龍若久懷霖雨志不須蟠曲小方池○吾衍過玉泉 東山白石路霜草相因依碧泉吐明珠隱隱涵玉輝撫樹紫鱗驚日暮倒影歸犀火或可燃吾當測幽微○劉子伯玉泉觀魚 疏鑿蓮花沼紅欄護碧漪圓波一鏡洗暖日萬鱗嬉珠沫清堪响金經聽可知幸生佛國內寧復想鯉池

玉泉龍王廟 臨安志云在淨空院嘉泰初賜廟額曰

靈泉嘉定初改仁惠嘉熙四年又改神運淳祐八年

趙安撫與憲重建廟宇咸淳三年又葺新之神始封

嘉應公後加號曰溥澤

明白紙局 宣德間置局就玉泉造紙紙白而泉濁尋以擾民罷局泉復清冽

洗心亭 宣德間建亭于玉泉上歲久圯嘉靖二十一

年守陳士賢拓址再建郡人吳鼎為記 國朝雍正

六年李公衛三建名曰洗心自為之記 金志章洗心亭池上坐月

老籬騰空綠烟晚新蟾瞪目奔妻返一泓冷浸水晶丸澆漉寒光射波滿星芒屬屬橫蒼山露華細滴

青琅玕夜深坐久不歸去二十五聲蓮漏殘

細雨泉 一稱法雨泉在清漣寺後泉眼上湧浮激波

面滴滴作雨狀每斜風疏點遊人或驚雨而去張萬

湖山便覽卷五

仙姑山

西

言記云玉泉寺匝地皆泉穴也玉泉穴大如甌星布

潭底殿後小沼穴則細而密故泛漚如細雨云 黃汝亨晴

空細雨 太清無片雲青山沉碧濃呼吸從何來星分復沫聚噴為大小珠散作空濛雨取之置茗椀

然佐譚塵玉泉較何如吾以問陸羽

晴雨軒 在細雨泉上明喬時敏題顏并系以詩 喬時敏題

晴雨軒 湖光萬頃浮春空湖上老龍卑故宮謝遣雷師別雲吏跳身獨入潢池中戰鱗藏珠等尺蠖池

水不波疑鏡融每當旭日正澄霽波紋衍漾如飛霞耳邊曾未聞浙浙眼底概復看濛濛信知此龍用不

窮有為自矜無為功大能江海小盆沼變化良與真宰通卷舒潛見亦偶爾詎肯屑屑私天工我行泉間

習龍意為傳此語開羣蒙飽間九土困焦灼終擬膚寸酬元穹

聖水池 青枝塢舊有慈聖院乾祐初吳越王建院有

呂公池宋乾道間僧能會取池水咒之以施病者輒

愈號聖水池見山堂肆考

普向法院 在青枝塢開運元年錢氏建紹興中殿帥楊

存中請充殿司諸軍瘞所曰愍忠資福普向法院陳慥遊普

向院四首西湖西岸三百寺一一題名嗟未能他

日誅茅追勝賞却尋詩版駘吾會一老昂藏物外

高陳陳胸次盡龍韜功名未瘵湖山癖却著袈裟替

戰袍寺壁龍蛇石刻新夔州十絕典型存鵝溪爲

卷湖山去擬與詩人到處論崇岡回首路縈盤夕

照明邊小凭闌瓶閣淺沙催客上玻璃影裏見長安

鄭竹隱墓 鄭名德峻墓在青枝塢碣篆有元竹隱鄭

湖山便覽卷五

仙姑山

五

處士墓八字下署鄱陽周伯琦書古今碑目錄此碣

在玉泉山碧梧原原名今少知者

鮑家田 在東山衙西北引玉泉水以資灌溉吳越相

鮑君復賜田也吳廉靜過鮑家田搖旆家家酒扶

綠水明映木青山失燒痕

多應忌蠶事畏客掩柴門

南禪資福尼寺 在鮑家田宋尼惠果開山嘉定壬午

恭聖仁烈皇后手書寺額賜之見安劉佛殿記寺中

梅屏甲京都高宗嘗令待詔院圖寫以進見釋居簡

北磻集

秀野園 謝府園武林舊事列此園于鮑家田下與水

仙廟西劉鄜王秀野園別

神霄雷院 在仙姑山西之慶化山宋咸淳間道士陳

紫芝善雷法入朝祈禱有應賜號冲素真人勅建此

院居之 張丹西山雷院 玉泉入敷里深谷俱箒荷

籐蘿便入門瞻神像光怪非常見龍君被彩衣老母

掣金電左右列將帥熊身兼虎面三眼冠兜鍪六臂

持刀箭或如鳥喙形背翅如羽扇此時當檻指彷彿

風雷變我聞宋時帝構此丹青殿迄今五百載春遊

每嘆羨宮闕在南山灰燼無瓦片狐狸騎石馬荆棘

布芳甸不及此遺構窳穢俯碧澗懷古正不足落日

湖山便覽卷五

仙姑山

六

靈峯禪寺 在仙姑山西北舊名鷲峯禪院吳越王建

宋治平間改額南渡後為裴氏功德院旁為裴墳墳

有雙節亭俗傳唐裴休墓非也寺內舊有容碧軒眠

雲堂松風閣翠微閣洗鉢池妙高臺並廢 周紫芝晚

繡樹千枚與萬枚靈峯寺裏看楊梅青山行盡且

歸去紅子熟時應再來○劉基靈峯寺松風閣 靈

峯寺閣倚松風風細松高閣更空何處流泉生石上

有人鳴玉下雲中花飄霧露春香滿影動龍蛇曉口

融安得身如列禦寇翩翩高舉出溟鴻○周詩早春

入靈峯 杪秋經月杜門幽巖歲翻為鷲嶺遊梅萼

已看迎臘吐澗泉猶是帶冰流雲蘿行樂風塵隔江

聽泉石 在靈峯寺南明少岳山人張萬言棲迹靈峯

披荆得泉已而汰沙礫決汗滓復得所謂聽泉石者
蓋舊物也石厚盈尺方廣幾丈因作小亭其間周詩
與鹿集有聽泉亭記

桃源嶺 在靈峯寺北舊稱駝巘嶺乾道志作駝苑契

嵩山志作駝現有水經行春橋入湖桑調元度桃源嶺梯烟度層

岡草青石徑細東偏雨氣散春空露一髻徐放翠峯
出攢螺秀天際嶺首戴孤亭江練橫明霽依約越嵐
重陽光互開閉却看西溪樹映水低如薺巖阿墨怪
石太古結根蒂汝壽保堅頑人命苦浮脆插脚入白
雲百年幾坐憩窗窳
洞門陰雨過長薜荔

宋濟王墓 李心傳朝野雜記云在駝巘嶺下王初名

湖山便覽卷五 仙姑山 七

均太祖十世孫開禧時詔為沂靖惠王後賜名貴和
嘉定十四年立為皇子改賜名竑惡史彌遠嘗指宮
壁輿地圖瓊崖間曰他日得志當置彌遠于此彌遠
大懼陰謀別立皇子靈宗崩遂憇楊后宣宗室希璠
子昀入繼大位矯遺詔進竑為濟陽郡王充湖州澧
泉觀使歸第寶慶元年太湖民脅立竑竑不從告變
于朝彌遠令容秦天錫逼竑縊于州治德祐元年以
禮部侍郎王應麟請陞封濟王表其墓

普濟院 在駝巘嶺臨安志云嘉定十一年僧永隆建

楊萬里同君俞李永步至普濟寺晚泛西湖以歸閣下微陰不碍晴杖藜小倦且須行湖山有意當君款約東疏鐘未要聲烟艇橫斜柳港灣雲山出沒柳行間登山得侶遊湖好却是湖心看盡山

九里松近東有行春橋雙峯插雲亭舊有宋步軍

思勇廟明真宮錢氏書西南為胭脂嶺舊有普福

藏班衣園青松居士宅又西為水竹塢又西為集慶寺有黑觀

朱行人祠又西為陳明府廟舊有月波亭香林

石獅子路音堂白樂橋又西為陳明府廟舊有月波亭香林

九里松 唐開元中刺史袁仁敬植松于路左右各三

行起行春橋至靈隱下竺而止凡九里跨路為門謂

湖山便覽卷五 九里松 六

之一字門宋吳說書九里松三字揭為門額高宗嘗

幸天竺經此見說所書翌日取入欲為御書易之命

筆數十番嘆曰無以易也用金填其字而復揭焉見

四朝聞見錄紹興間復古殿供御墨欲取九里松為

煤新安戴彥衡言此平地松不可用力持乃止見老

學菴筆記松之存者陳善作府志時尙云有二百六

十本邵重生作山志云存九十一本至孫治作靈隱

寺志但十餘本今殆盡矣郭祥正松門 沿湖九里

熱門深太古風○杜範次趙貴方九里松獨行韻天

道機已熟絕隄間縱步來尋興裡山殘雪點衣消酒

醉晚風吹鬢帶詩還妙年羨子歡踪足宦步愁予樂
事慳安得相從塵網外快將如意碎青珊○于石伊
昔四首之一伊昔西湖外清陰九里松天低深雨
露風怒走蛟龍林靄通樵徑山雲隔寺鐘何時一行
樂重到北高峯○鄧林九里松 松是山靈一手栽
堯天長就棟梁材龍髯怒起春風急似怪遊人喝道
來○凌雲翰九里雲松 九里閒雲萬樹松經行記
得舊時蹤黃金曾飾宋儒字蒼狗豈知秦代封風露
橫陳鳴鶴鵲波濤澎湃舞蛟龍我
來朗誦靈山句清氣飄飄欲盪胸

行春橋 在九里松麴院大路口宋為左軍教場有馬

三寶墓武林舊事云向曾欲去之黑蜂數百自墓中
出不可向遂止至元十五年有軍廝鬪土得一鐵券
刻字曰雁門馬氏墓橫衝橋始知行春橋本橫衝橋

湖山便覽卷五 九里松 九

也雲麓漫鈔又作橫坑橋宋有瓦子在橋側邵經邦

岐路行春側亭亭一畝宮雨前蕉臉綠霜後粟深
紅種芋青精飯移蔬玉指蔥頻來吠椰犬此地葛天
翁○厲鶚行春橋道中 石橋橫澗曉登臨水
時逢洗鉢僧踏破秋光入松影不辭路滑訪南能

小行春橋 在九里松迤西亦曰西行春橋後澗水出

唐家術先趨此橋然後經行春橋余闕賦得九里松

左丞 結駟向青郊松陰九里遙言從天竺寺直渡
小春橋 偃蹇成芝蓋蕭瑟蔭蘭橈相送將何贈期君
保後 周

雙峯插雲亭 在行春橋西地當南北兩峯之間舊稱

兩峯插雲康熙三十八年

聖祖御題十景改兩峯為雙峯建亭勒石于此又元人錢唐

十景有兩峯白雲之目

尹廷高兩峯插雲嶙峋對峙勢爭雄古塔疏林杳靄中

寫盡西湖烟雨障雙峯如筆閣晴空○轟大年兩峯插雲屹立亭亭入杳冥勢雄南北氣憑陵玉簪拔地三千仞寶蓋撐空一七層天遠不聞風外鐸夜深遙禮月邊燈何當一掃浮雲淨起視東嶺看月昇○高得陽兩峯白雲西湖之上兩奇峯高入太虛雲氣中華蓋漸迷雲縹緲浮圖時見碧瓊瓏陰連海眼龍歸洞影散天星鶴繞空幾度登臨舒遠眺英英佳氣盪吟胸

宋步軍教場

臨安志云左軍步軍三寨麥嶺一行春

橋二其教場在行春橋寨內又前軍步軍二寨麴院

一獨角門一其教場在行春橋

湖山便覽卷五

九里松

三

嬉游園

都城紀勝云在九里松天府酒庫臨安志載

贍軍激賞諸庫有西溪酒庫清煮並在九里松大路

一庫二門所謂天府酒庫當即指此

忠勇廟

在行春橋側宋步軍司前軍統制張玘紹興

三十二年從張子蓋解海州圍用命戰歿詔贈清遠

軍承宣使乾道元年步帥戚方于本寨門首建廟祀

之賜號忠勇

明真宮

臨安志云在九里松步司前軍教場之北嘉

定間建寧宗御書明真二字宋稗類鈔云九宮山道

姬王妙堅以符咒術遊兩山間一日過西冷橋茶肆
有陳生者隸職御酒庫其妻叩以頭腫之方姬命市
麻油燒竹瀝投之妄為持咒俾之沐髮應梳而解時
楊后方誅韓而心有所疑髮腫不解謂有物崇陳妻
以油進用之驗后頗神之遂召妙堅入宮封為真人
且創道字賜名明真居之

錢氏書藏 宋錢龢字呂父吳越王後居九里松建傑

閣藏書甚富東坡榜之曰錢氏書藏見武林紀事錢

走筆代書寄呂仲七弟 東方千騎擁朱輪衣錦歸 逢故國春莫向西湖戀風月鵲原知有望歸人○蕪

湖山便覽卷五

九里松

主

軾和錢四寄其弟龢 再見濤頭湧玉輪煩君久駐 浙江春年來總作維摩病堪笑東西二老人○錢龢 次韻穆父兄見寄 烏衣巷裏走雙輪正是家 山二月春明日湖平定歸去蓬萊還見謫仙入

斑衣園 在九里松宋韓蘄王別業見武林舊事吳農 祥斑

衣園隗古 尚見思陵記樓臺有御題威儀開輦道 曲折向丹梯導騎還持蓋高僧其杖藜名園有勝賞 日日醉 如泥

青松居士宅 宋俞灝字商卿仕東淮宣撫邱密令寶

慶二年致仕築室九里松自號青松居士有詩詞集

按名勝志九里松有宜對亭宋葉紹翁書 考亭在石人嶺紹翁但有詩耳茲不編入

胭脂嶺 在九里松西南其地土石獨紅因名今以胭脂

脂音近致訛稱仙芝嶺又以普福寺在其上稱普福嶺下有仙芝泉通小溪經茅家埠入湖

普福寺 在胭脂嶺一名十方天台教院宋咸淳間建

眉山家之巽為託元趙孟頫重書字額內有芝雲堂

綠筠坡錫杖山葛仙井辟支塔瑞岡塢玉蓮池藥澗

橋諸勝鄧文原寄普福住持無公淨土談元屢欵

神交惠遠師度嶺白雲飛錫處散花清晝說經時西

南峯下龍泓路會記山房舊賦詩○田藝蘅初夏遊

普福禪寺留示月林上人十里平湖九里松薰風

一徑綠陰濃山僧去托何方鉢禪榻猶留舊日踪林

靜鳥啼閒對酒晝長香爐遠聞鐘白雲來往塵囂斷扶醉還登鷲嶺峯

湖山便覽卷五 九里松 三

圓覺天台教寺 在胭脂嶺西唐建宋高宗御書天申

萬壽圓覺寺額并製二詩賜僧守璋理宗御書清涼

覺地額武林舊事云有歸雲堂三昧正受閣並高宗

御書累朝臨幸有御座御榻在焉吳錫圓覺寺梵

間賜筆爛奎文山深翠輦經行處猶臥從龍數點雲

朱行人祠 祀宋朱少章弁弁以建炎元年副王倫使

金拘留十七年仗節不屈和議成放歸卒葬胭脂嶺

下地為其從孫晦菴先生所卜明萬歷時提學僉事

陳大綬就墓前建祠向燕朱行人祠 蘇卿使節已多年朔漠風高鬢皓然二帝無

魂歸魏闕孤臣有淚灑冰天傾葵白日心常赤橫草黃沙志亦堅遺像一龕崇俎豆芳名應與鄂侯傳

石獅子路 在九里松胭脂嶺西見武林舊事

水竹塢 在胭脂嶺西南舊有水竹之勝宋爲步司前

軍寨稍南爲黃泥嶺自九里松石蓮亭至茅家埠者

經此

黑觀音堂 在石蓮亭西集慶寺側武林梵志云俗傳

宏治時太監張慶遊山至此見青衣女子匿入菴中

索之不得惟座上有黑漆觀音像禮拜而去自此香

火遂盛上天竺山志云嘉靖中海寇倡亂來杭抵九

湖山便覽卷五

九里松

三

里松而上欲至天竺忽見一婦人身長丈餘黑如漆

手執巨棍立于當路四圍山頂一望皆樹旗幟寇驚

遁去遂建黑觀音堂二說不符似皆虛飾

集慶講寺 在九里松坐月桂峯對瑞雲山初爲靈隱

下菜園宋理宗淳祐庚戌以古蕩田千畝易之爲貴

妃閻氏建功德院賜名顯慈集慶教寺金碧功麗冠

于諸刹雖御前五山亦所不及時名曰賽靈隱有人

書其法堂鼓云淨慈靈隱三天竺不及閻妃好面皮

內有三池九井金波池月桂堂小龍泓泉諸勝閻妃

冢卽在寺後寺藏郭蕭齋寫理宗御容一軸見太平

清話又理宗燕遊圖一軸見志雅堂雜鈔度宗小像

一軸見暖姝由筆九遠宿集慶寺半生三宿此招

粟影杜陵忍賦玉華詩旋烹紫筍猶舍籜自摘青茶

未展旗聽徹洞簫清不寐月明正照古松枝○又聞

氏園池真妃已返鳳臺仙獨立池亭思愴然海岳

不傳青鳥信石房誰伴白雲眠宮桃移種難生實院

籜初翻又引鞭凝碧荒涼絃管靜萍花浮浦釣魚船

○張昱月桂堂為集慶講主佛國山中古道場月

中桂子散天香一枝得共人如邨雙井能來客姓黃

誰咏碧雲題樹葉自收清露染衣裳南峯不與清光

礙好放餘陰及四方○張遂辰集慶寺觀宋理宗遺

像遺畫空山久蒼龍氣色微朝昏小人視風雨幾

時飛摹定名家手藏分繡佛衣更傳埋寶鬘湘竹冷斜暉

湖山便覽卷五

九里松

三

月波亭 錢塘縣志云在集慶寺靈隱遺事云寺前有

大松圍數丈正與月波亭對史彌遠伐取去僧元肇

有詩惜之釋元肇月波亭前大松被伐有感 大夫

亭上望夜深 去作棟梁材無復清陰覆綠苔惆悵月波

白樂橋 在集慶寺前靈隱志合澗橋會南北二澗西

流過白樂橋謂此俗傳白樂天建其水一名後礮一

名碧溪東經雷院出唐家橋東南趨行春橋入湖

陳明府廟 在集慶寺西明一統志云漢陳渾為餘杭

令有功于民為立祠錢塘與餘杭接壤因移祀焉

明府乃令別稱武林舊事作陳明大王非

香林園 蘓仲虎尚書園在九里松梁溪漫志云韓蘄

王就第後放浪湖山至九里松望見蘇尚書晏客徑

造其席取醉而歸翌日折簡謝且作二詞手書以贈

卽此園也

朱墅 梁隱士朱世卿鹽官人有別業在九里松見釋

契嵩武林山志西湖百咏作朱野郭祥正朱野 梁國衰微後徵君隱

逸時至今風味在試聽野猿悲

袁君亭 陸羽二寺記云爲刺史袁仁敬造郭祥正袁公亭 民

湖山便覽卷五 九里松 三

樂袁公惠開亭古道邊能將九里碧長與萬人傳

二寺門 在九里松西飛來峯路口臨安志云靈隱天

竺兩山由一門而入陸羽記南天竺北靈隱徐夔靈

竺寺詩兩山真界實難分是也武林舊事云靈隱天

竺寺門慶歷八年太常博士元居中書額白樂天詩

一山門作兩山門者謂此東坡集有虔州天竺寺詩

引云予年十二先君自虔州歸言近城山中天竺寺

有樂天親書詩云云今四十七年予來訪之則詩已

亡有石刻存耳據此則樂天詩非爲杭作然坡公贈

天竺辨才二詩一云想見南北山花發前後臺一云
南北一山門上下兩天竺又皆採樂天語李公西湖
志謂樂天此詩本以寄僧翺光光自杭移錫至虔詩
在其行篋中遂留傳于彼詩中所咏實皆指杭之靈
隱天竺而言其說甚辨茲不備述西湖百咏謂之方
外門白居易詩一山門作兩山門兩寺原從一寺
分東澗水流西澗水南山雲起北山雲前臺花
發後臺見上界鐘清下界聞遙想高僧行道處天香
桂子落紛紛○郭祥正方外門方外原無地空中
忽有門請君從此入輒莫羨桃源

靈隱山舊有會稽西部都尉治錢塘縣治下為雲林寺有經幢羅
湖山便覽卷五 靈隱山 三

漢殿直指堂白雲菴歸雲菴醮筆池羅漢洞舊有千佛

殿蓮峯堂唐公祠西北為西澗有紫竹林松靄山房岫巘

山房舊有西菴東南為靈鷲寺基舊有靈山海會閣天香方丈

靈隱山 祥符圖經云武林山周十二里又曰靈隱曰

靈苑曰仙居釋契嵩山志云秦漢始號虎林以其棲

白虎也晉曰靈隱用飛來故事也唐曰武林避國諱

也此本湖北諸山總名故云周十二里今別立巨石

仙姑寶雲履秦飛來天竺等名僅指雲林寺後山曰

靈隱王令同顧保之遊靈隱山閉門不見春色到出城始見江梅開行探幽泉至高絕其坐巨石

聊徘徊時逢天風吹客過還有野鳥驚人來林間盼
惜所未歷歸馬空載斜陽回○沈周自題靈隱山圖
卷 湖上風光說靈隱風光獨在冷泉間酒隨遊客
無虛日雲伴詩僧住好山松閣夜談燈火寂竹床春
臥鳥聲閒佛前不作逃
禪計邱壑宜人久未還

漢會稽西部都尉治 漢文帝時治山陰武帝元狩中

徙治武林山見漢書地理志注臨安志云漢因秦舊
郡置守尉監三職景帝中更名守爲太守尉爲都尉
守尉之職判然不侔武帝嘗以吾邱壽王爲東郡都
尉不復置太守其後遂多以都尉行太守事此治與
縣治相並不聞更有守治或亦兼之也

湖山便覽卷五

靈隱山

七

漢錢塘縣治 水經注浙江東逕靈隱山山下有錢塘

故縣王莽時更名泉亭

按以上二治未必近雲林寺劉道真言錢塘在縣
東一里則縣治所在直近今巨石山矣此亦湖北
諸山統名靈隱之一證也滄桑
屢易難以確指姑附表見于此

雲林寺 舊名靈隱寺晉咸和元年僧慧理登飛來峯

曰佛在世日多爲仙靈所隱今此亦復爾耶因建寺
名靈隱相傳寺額乃葛洪書或云宋之問書山門曰
絕勝覺塲正殿曰覺皇殿唐會昌廢教寺毀後稍稍
興復規制未宏吳越錢氏命僧延壽開拓建經幢于

寺門左右宋景德四年增寺額景德二字南渡高孝
兩朝屢幸號禪院五山之第二山元明興廢靡常今
寺則順治時僧宏禮所重建也宋志勝蹟有百尺彌
勒閣蓮峯堂白雲菴千佛殿延賓水閣望海閣巢雲
亭松源菴直指堂及梁簡文石像記唐司空曙詩僧
遵式五峯合澗詩石刻宋理宗御書覺皇寶殿妙莊
嚴域大字元明勝蹟有一笑軒交蘆室妙應閣安遇
堂禪悅堂面壁軒歸雲菴淨居菴白雲菴今惟覺皇
殿直指堂尙仍舊名新蹟則有羅漢殿金光明殿輪

湖山便覽卷五

靈隱山

三

勅賜名雲林寺乾隆十六年

御題覺皇殿曰驚嶺龍宮直指堂曰涌翠披雲

宋之間靈隱寺

藏閣大樹堂南鑑堂聯燈閣華嚴閣青蓮閣梵香閣
玉樹林紫竹林蒙堂萬竹樓諸勝康熙二十八年

嶺鬱岩巖龍宮鎖寂寥樓觀滄海日門對浙江潮桂
子月中落天香雲外飄捫蘿登塔遠列木取泉遙霜
薄花更發水輕葉未凋夙齡尙遐異搜討滌煩驚待
入天台路看予度石橋○張祐題靈隱寺 峯巒開
一掌朱檻幾環延佛地花分界僧房竹引泉五更樓
下月十里郭中烟後塔聳亭後前山橫閣前溪沙涵
水靜澗石點苔鮮好是呼猿久西巖聲響連○白居
易靈隱寺紅辛夷花 紫粉筆含尖火燄紅胭脂染
小蓮花芳情香思知多少惱得山僧悔出家○權德
輿戲贈天竺靈隱二寺寺主 石路泉流兩寺分尋

常鐘磬隔山聞山僧半在中峯住共占青猿與白雲
○梅詢序靈隱寺十咏石刻 杭州靈隱山天下之
泉石刺史白樂天賞之心不斲歿去數百年林泉有
羞色我持百里權暇日訪林泉愛之不忍去茹筆屢
成篇收攬造化盡驅詩思中十題四百字他山藉
磨礱且收紀遺咏非矜大翰功他年遂招隱來此觀
奇踪○蘓軾聞林夫當徙靈隱寺寓居戲作靈隱前
一首 靈隱前天竺後兩澗春涼一靈鷲不知水從
何處來跳波赴壑如奔雷無情有意兩莫測肯向冷
泉亭下相滌洄我在錢塘六百日山中暫來不煖席
今君欲作靈隱居葛衣草履隨僧蔬能與冷泉作主
一百日不用二十四考書中書○曹伯啟遊靈隱
岩崑鷲嶺梵王城秋氣平分寶界清火宅久居心獨
苦雲林初識眼增明禪關已被猿參透仙洞誰教鬼
鑿成慚愧生平泉石約暫來偷暇洗塵襟○李孝光
靈隱寺 南洲綿西極大山樹崇闕經營緬齊梁宏
麗自吳越玉水生虹蜺金樞孕
初月稍高得縱觀川流淨如髮

湖山便覽卷五

靈隱山

三九

按舊說徐敬業敗駱賓王去爲浮屠居杭靈隱寺
宋之問至寺中月夜行吟未屬賓王爲續終篇卽
樓觀滄海日以下句也宋訝老僧詩句迺麗訪問
其人識者曰此駱賓王也似此則二人竟初未相
識矣然駱與宋當時屢有往還投贈之詩而駱
之爲僧新唐書亦不載流傳之說未定果否

經幢 在寺門高十丈許凡十一層左幢鐫大佛頭陀

羅尼經右鐫大隨求卽得大自在陀羅尼咒經二幢

各有開寶二年吳越國王錢俶建幢願文寺內拜墀

又有二幢高五六丈九層鐫大佛頂陀羅尼經有石

扁書吳興廣濟普恩真身寶塔十字無年月款識

千佛閣 在雲林寺宋理宗御製靈隱千佛贊云一佛

不二千佛奚別如處處水現在在月無去無來不生

不滅梅花開時前村深雪殿久燬明萬歷間即址建

輪藏閣徐渭千佛閣 靈山高閣迥千佛 一燈傳萬古西湖月年年照冷泉

羅漢殿 明萬歷時僧如通於正殿後為五百羅漢湧

壁 國朝順治戊戌移建殿于西禪堂下凡五十四

間法像稍小于淨慈而完好過之

直指堂 雲林寺方丈也張即之書額宋孝宗賜靈隱

住持直指堂銅印今猶存

蓮峯堂 在雲林寺臨安志紀寺有蓮峯堂詩蓮峯堂

湖山便覽卷五

靈隱山

三

記石刻今不存

孫雄飛靈隱蓮峯堂 堂開金色界 梵客好鈞簾山影碧侵座水聲清繞

簷粉雲埋石脚珠露滴松髯終擬攜孤笛凭闌喚玉 蟾○釋至仁至正十五年五月十三日黃公晉卿貢

公泰甫訪余蓮峯堂泰甫有詩因次其韻 蓮華峯 頭梅雨晴閣老聯鑣尋友生衣冠慣識烟霞舊龍象

爭看奎壁明海上留衣韓子意山中沾酒遠 公情詩成珠玉寫巖石出林一笑天風清

白雲菴 在直指堂西宋元祐時僧清覺居此自立一

宗以菴為號曰白雲宗見釋氏稽古畧釋元照白雲 菴道人倦

逢迎結菴就巖穴靜愛山頭雲空濛如積雪隨風 亦卷舒觸戶更明滅却憶古人詩祇可自怡悅

唐公祠 沈遼唐公祠堂記云公諱詢字彥猷仁宗朝

為御史歷蘄杭青三州愛錢塘之靈隱謂山水為天

下第一卒後仲子垆作堂于寺之西軒以申公志

蘸筆池 在寺東廊下相傳丁行者學書處寺志云行

者不詳何人或以為卽丁翰之也

歸雲菴 在雲林寺東明初建孫一元宿歸雲菴獨

瓦燈然石壁松葉暗柴門夜久無羣動

羅漢洞 在雲林寺羅漢殿後釋來復靈隱羅漢洞

西與鷲峯連巖開混沌疑無地行到空明別有天丹

桂曉從雲外發黃猿夜向月中懸神通尊者應忘世

西澗 在雲林寺西上接韜光菴沿澗皆竹高啟夜訪

湖山便覽卷五 靈隱山 三

子因宿西澗聽琴 清夜獨幽尋巖飛落葉深許攜

陶令酒來聽穎師琴人醉月沉閣烏啼風滿林應留

西澗水千載寫餘音。徐灝訪友靈隱澗西 樹窳

西菴 僧契嵩舊棲嵩字仲靈著有鐔津集郭祥正西

能儒言迥出慧遠上菴中閱遺編光烟高萬丈。黃

潛遊西山同項可立宿靈隱西菴 薄遊厭人境振

策窮幽躅理公所開鑿遺跡在巖麓秋杪霜華丹石

面寒泉淥仰窺條上猿攀蘿去相逐物情一何適人

柴竹林 在西澗左舊名祇園取楊維禎僧住旃檀紫

事有羈束却過貌峯迥遙望松林曲前山夜來雨溼

雲漲崖谷縹緲辨朱蕘禪房帶修竹故人丹邱彥抱

-2 286 38 918" data-label="Text">

被能同宿名篇聊一咏異書欣共讀蹉跎未

聞道甞勉尙干祿夙有邱壑期吾居幾時卜

竹林句易今名明黃汝亨李流芳輩嘗橫經于此

松靄山房 在西澗有四松逕山茶院清籟居栗園諸

勝朱彝尊借諸君過靈隱寺雨宿松靄山房 湖雲乍合山雨微平岡細路風吹衣過橋幾處磚塔湧到寺一道巖泉飛新新白花蕊照眼依舊青竹園開屏攀蘿捫葛信公等我與僧彌暫息機

岫嶼山房 在西澗文昌閣道左明李元昭用晦架山

房于迴溪絕壑之上溪聲出閣下高厓插天古木蒼

鬱內有紫蓋樓翠雨閣孤嘯臺白砂丹井禮斗閣香

雪巢桃溪茶坂梅鵑橘坡用晦好詩與天池徐渭友

善所著有岫嶼山人集其山房本雲林塔院慎菴址

湖山便覽卷五

靈隱山

三

也沈明臣岫嶼山房 吳越新投社山中覓故侯白雲僧借榻黃葉客登樓月出境逾靜溪深水自流

翻隣鐘磬發破此一林幽。皇甫孝岫嶼山房 虎林勝擅飛來峯豁梁亘度名迴龍蒼松迎風鼓琴瑟

巧石向日開芙蓉中隱仙人鍊鉛蕊虛詞藁籥分金水過行神火退陰魔幻出神珠細如米赫奕光騰五

色霓服之壽與天皇齊驅雷逐電護丹鼎竊取應防后羿妻我是青城鷄背客洗頭猶怪南溟窄攀翻靈

鷲挹少微暖烟蒸發山花赤彷彿身遊何有鄉萬竿修竹披雲房劈芝饌玉奏鶯簧瓦爐將蕪栢鈴香蟠

桃酒瀉瘦瓢滿醉臥山中歲月長。姚思孝岫嶼山房披戶無人至如探畫半縑竹香容我飽雲液許

君廉浪語何妨韻幽囊隨意添仙几俱是障坐此即安恬

靈鷲興聖寺 在合澗橋旁開運三年吳越王建名靈

鷲太中祥符間增興聖二字有滴翠軒九品觀堂東

坡祠元末燬其基為張氏墓

湯漢靈鷲興聖寺新修
贈僧南澗引流已成

沼對石宜破窻他年澗上橋為子書春淙○潛說友
靈鷲寺手中烏啄食戲題 靈烏渾覺不相猜啄食

翩翩手上來自笑老軀頑似石被渠認作出生臺○
貢師泰送方舟上人住靈鷲 靈鷲之山出東海小

朶飛來不記年佛國夜光珠作闕龍宮春冷玉為泉
浮雲不礙遊人履流水還隨釣客船試問禪師在何

處夜來騎虎上西天○貝瓊靈鷲觀燈 天樂風傳
應壑雷鷲峯春色似蓬萊一天象緯迎秋轉十月龍

宮徹夜開西國老僧依樹坐上方仙女散
花來夜深借榻山房宿更欲題詩到上台

靈山海會閣 在靈鷲寺宋淳祐十二年建理宗御書

扁王楚登靈鷲新閣 山從西域來寺自東南有林
泉既奇秀巖穴更深 黝老僧奮空拳經始不已久

俄然幻傑閣丹碧照林藪相輝靈隱前更勝天竺後
理公坐崖屋千歲骨已朽坡公昔曾遊遺句今在否

湖山便覽卷五

靈隱山

三

洞猿不待呼
清晝時一吼

天香方丈 貝清江集有記其畧云天香方丈者靈鷲

興聖寺奎公方舟燕坐所也方舟由雲門來主席曰

吾所謂天香者非特桂也昔慧理建寺靈鷲歷千餘

年有宋之果行輩每合諸大龍象講內外典天輒雨

曼陀羅諸花故有四花亭者記其異也吾法無所不

徧故吾香亦無所不徧將使大地物脫三毒八難十

熱九惱無施而不可也余聞而嘆曰方舟之造詣如

此則知天香之取于桂者淺矣

北高峯

舊有高峯塔望海閣

南麓為巢构塢有韜光菴韜光

泉金蓮池呂巖祠石室

舊有玉兔塚

西為資巖山有石

筍峯白沙泉普圓院白衲菴寧峯菴又西為龍門

山有石門石佛菴吳寺團

舊有永安精舍

又西北為粟山

有石人嶺茯苓泉

舊有宋吳宣靖王墓時思薦福寺無著塔顯親報恩寺

北高峯

在雲林寺後武林山左支之最高者自下至

頂九百二十丈石磴數千級曲折三十六灣秀出諸

山麓衍二十餘里宋建靈順廟于峯頂祀婺源五顯

神俗謂華光廟又謂五福廟廟後今建平臺臺前石

湖山便覽卷五

北高峯

三

松一株在宋嘉定時已以奇古見稱逮今千歲物矣

峯下為瑞雲山為水岡塢東為屏風嶺西為烏石峯

後為白沙嶺

方干夏日登靈隱寺後峯絕頂無煩暑登臨三伏中深蘿難透日喬木更含

風山疊雲霞際川傾世界東那知茲夕興不與古人同○楊蟠北高峯 杳杳孤峯上寒雲帶遠村不知

山下雨奎斗自分明○周紫芝登北高峯 鼓櫂去故里攜孥客東吳湖山森照耀魚鳥相嬉娛舉目見

兩高欲上徒嗟吁人言不可往無路登雲衢盡力鼓餘勇遂復酬宿逋白鳥入蒼烟滅沒在太虛曉日沸

賜谷萬川納歸墟海門豁中開怒濤喧朝晡盡注百里江拱揖朝伍胥銀湖大如許僅可方覆孟諸峯如

培塿瑣細不足圖寸眸一俯仰八極無遺餘第恨蒼涼日悠悠迫懸車臨風一悵惘言旋戒危途○范師

孟賦北高峯五福祠後古松 根盤巨石四時青陌上香泥豈敢侵不但詠誇奇異迹也須珍重歲寒心

○方回北高峯屢欲登而輟擬上高峯最上頭籃輿已賃又還休舊來詩眼如今別添與江南一段愁

北高峯塔 在峯頂唐天寶中僧子捷建高七級會昌

中燬錢武肅王重修宋凡三燬三修元圮止存三級

今則全圮矣初建塔時靈隱寺有一花犬每隨工徒

自山下脚磚石以至塔所既而工徒于荒榛間劖得

石佛缺左耳犬即跑古寺基出一石耳合之竟是塔

成犬斃寺僧葬之寺門八面松下見太平廣記潘閬高峯

塔北高峯上塔竟上最高層嘗謂人難到何當我獨登天香聞不斲海月見微稜懶下紅塵路重來恐未能○蘇軾遊靈隱高峯塔言遊北峯塔葺食治野裝火雲秋未衰及此初旦涼霧霏巖谷冷日出草

湖山便覽卷五

北高峯

三五

木香嘉我同來人久便雲水鄉相勸小舉足前路高且長古松蟠龍蛇怪石坐牛羊漸聞鐘磬音飛鳥皆下翔入門空有無雲浩浩茫茫唯見瞿道人老病時絕糧問年笑不答但指穴藜牀心知不復來欲歸更傍程贈別留匹布今歲天早霜○陳旅高峯塔地勢傾東淮華岳指厚載靈戶俯河漢孤標拔江海初日射芳暉蜿蜒貫華采揚舫指吳越遙見出岷嶠

望海閣 在北高峯頂蘓公詩入門空有無雲浩浩茫

茫謂此今閣廢郭祥正望海閣客望海中日窻開物外山天形垂欲盡飛鳥不知還

巢构鳴 在北高峯南雲林寺西或作巢溝或作巢居

皆譌唐代宗時蜀僧韜光辭其師出遊師囑之曰遇

天可前逢巢則止光遊杭值白樂天守郡至靈隱山

見巢构陽悟曰此吾師之命也遂卓錫焉

韜光菴 在巢构陽晉天福三年吳越王建院名廣巖

唐長慶中有詩僧結菴于院之西自號韜光常與白

樂天倡和宋大中祥符間改法安院而世但以僧號

呼之曰韜光菴菴中前後諸賢留蹟甚多有元豐二

年趙閱道題名元祐五年蘓子瞻題名又有僧嘗于

此降乩請至釋子蘭以下十八凡七士三釋各書一

詩語皆奇絕武林舊事言其詩尚存壁間殿廡有烹

茗井相傳為白樂天汲水烹茗處頂有石樓方丈正

湖山便覽卷五

北高峯

三六

對錢塘江江盡處即海蕭士瑋南歸日記云初至靈

隱求所謂樓觀滄海日門對浙江潮者竟無所有至

此乃了了在日矣世稱韜光觀海以此乾隆十六年

御題佛堂額曰雲澄日觀

白居易長慶四年正月招韜光

瀝泉澄葛粉洗手摘籐花青芥除黃葉紅薑帶紫芽

命師來伴食齋罷一甌茶。釋韜光因白太守見招

有答 山僧野性好林泉每向巖阿倚石眠不解栽

松陪玉勒惟能引水種金蓮白雲乍可來青嶂明月

難教下碧天城市不堪飛錫到恐妨鶯囀翠樓前。

姚合謝韜光上人贈百齒籐杖 衰病近來行少力

光公乞我百齒籐杖來杖此向何處過水綠山只訪

僧。周齋韜光菴 谷鳥與我言怨煞白才傳借問

何以然攜却山僧去山僧未去時前盤一尾蛇後踞

一頭虎吸雲嘯風遶窗戶山僧已去了鶴來踏翻籐

猿至拗折樹亂篠枯柴塞行路抑將廬于嵩高之陽
溫洛之澗諸天散花復呵護抑將慕羶逐臭亡精喪
魄委枯骸于北邙之狐兔荒臺兮尚存破屋今如故
惟有山僧不知處世間萬事誰始終極目寒江起烟
霧。陸圭宿韜光菴雨過山頭夜氣清天風吹下
步虛聲道人酒醒推窗看月在琅玕節上明。董雲
宿韜光用香山韻看山意不盡信宿禪家坐石
雲生岫談經天雨花閣虛松夜奏林暖筍秋芽老得
王濛癖逢僧不厭茶。毛先舒宿韜光觀海日龍
潭鶯嶺天下奇韜光更上升雲涯蒼穹髮髯欲摩頂
石氣濛濛拂衣冷山僧邀我山中宿乘興扶筇踏巖
谷便應禱髮卧峯頭俯聽簷鈴和風竹夜深月沒靜
羣籟隔樹明河似紫帶須臾微紅乍起滅瞳矓正出
扶桑外天浮海涌見俄頃不覺此身駐西嶺誰持青
鏡寫燕支閃爍團圓無定影滄波一半吹紫濤良久
不見東方高凌風欲去更惆悵天水茫茫兩搖漾紺
殿紅樓閣欲開下方始聽鷄三唱

湖山便覽卷五

北高峯

三七

韜光泉 名山勝概云從岫嶼山房上至韜光峯高百

盤流泉數十折僧家皆劄竹引泉眾響並作沸于絃

索王逢禧韜光聽泉香樓百尺簷層空樹杪飛泉

聽不窮豈有天花來鶴駕却流霞液到龍宮江聲
直按澄湖外海氣遙連夕照中坐
久塵襟應滌盡何須半偈問韜公

金蓮池 在韜光菴相傳韜光引水種金蓮處其蓮圓

葉小花浮生水面池上有飛雨閣程嘉德望月金蓮
池竹根松月白

泠泠暗石荒藤坐小螢却笑林僧也歸去夜泉何事
不同聽。袁公謨金蓮池山頭泉脉逼星宮灑落

高於桂樹叢白晝龍蟠雲氣裏青天人立雨聲中眼
看細沫噴珠葉手拉枯茄瀆水蟲果是葷腥不到處

煮茶抄火竹爐紅。施閩章飛雨閣用韜公韻
僧卓錫繞清泉逋客擔筇峯頂眠古桂雙株棲白鶴

寒池十丈長青蓮茫茫滿壁雲生榻渺渺懷人
月在天不信飛仙吹鐵笛窟窟龍驚起石樓前

呂巖祠 在韜光菴右明萬厯間建參政郭子章為記

祠右有降龍池伏虎石姜宸英韜光呂真人祠澹

疑無路空階如有聲竹開江勢近巖
斷海潮平何處期瑤草孤雲祇自征

玉兔冢 在韜光山麓明黃汝亨得白兔于天台中

籠以金縷題以玉衡愛玩者三年一夕躑躅而斃瘞

於此自為之記

石室 在韜光山後厓下真觀坐其中得道者名頭陀

石室厓頂有獅子石舊傳靈隱三石室其一在理公

湖山便覽卷五 北高峯

巖下其一未詳沈心獅子石 或是將軍虎初非
道士羊半山高踞坐移去作禪床

資巖山 一名形勝山上有烏石又名烏石峯在北高

峯西其高與北高峯埒

石筍峯 在資巖山南麓一名卓筆峯一名丈人石圓

峭特立高數十丈下有蘭若曰嬾石居董嗣杲石筍
峯 異種林

參玉版禪嶄然一角立層巔遠尖自抱雲根壯疊蘇
誰疑雨箴纏夢裏三生空過眼胸中千畝漫流涎此

龍難入監僧譜出土摩霄是幾年。陶望齡丈人石
石羊已可呼石田當可稼吾從石丈人操筆復扶

耙

白沙泉 在石筍峯下嬾石居東其泉自沙中出又有

金沙泉在嬾石居西迤近石筍

楊蟠白沙泉不見泉來穴沙平落細聲

夜高寒月漾銀漢太分明。陶望齡金銀沙池。雨池如兩目雨後轉澄澈可憐青淨眼底用金銀屑

普圓院 在石筍峯下一名石筍寺晉天福二年吳越

王建名資嚴宋大中祥符元年改今額有超然臺熙

寧間郡守祖無擇愛石筍之勝僧雲知輩為結草菴

取公封國為名曰鄴公菴方丈左右板扉皆趙閱道

蕓東坡秦少游黃魯直諸公留題并文與可畫竹張

總持吳傳朋等書字後度宗母隆國王夫人以超然

臺為墓地移院于山之西古蹟遂不復存釋雲知鄴公菴歌

湖山便覽卷五

北高峯

三

呼猿澗西藏石筍丹桂蒼松達鶯嶺幾年陳迹絕纖
核一旦佳名出清景山家時喜來五馬相攜欵曲空
崑下遂許誅茆結小菴異日功成伴瀟灑菴成可以
資靜觀目前直見江湖寬鄴公政關每頻到試茶笑
傲浮雲端物外似忘軒冕貴此中深得林泉意野人
陪着病維摩游戲自同方外地。趙循道宿普圓寺
仙巾鶴氅與雲輕晚出巖梯最上層漠漠隴頭歸
去雁陰陰松下遠來僧風吹寒水光成曩木落重巒
碧有稜行到湖邊歸興盡畫橋臨水與誰凭

白衲菴 卽普圓院宋咸淳間為隆國夫人香火勅改

永福寺額元至元間有清涼山僧正宗駐錫於此常

衣白衲故又名白衲菴明成化間建海日樓屠隆題

額萬歷間徐宏基復額曰永福禪林張以誠過白衲菴梵唄傳松

徑招提隱竹林山僧衣白衲海客豁塵襟蕭灑棲支
遁殷勤訪惠琳元言霏作屑佳句擲爲金竹杖臨峯
頂蒲團坐樹陰白雲秋補衲清澗
夜調琴最羨峯頭石嶙峋閱古今

按普圓白衲南北相距百步許今皆稱永福寺游
覽志所謂上永福下永福是矣石筍舊屬普圓故
別稱石筍寺今乃屬懶石
居葺懶石亦自普圓分也

靈峯菴

在白衲菴南

吳焯靈峯院晤潘朗君兼看徐
杉亭畫壁 偶爲聽泉向夜行

寺門未啟客知名乍來竹徑坐孤閣聊其龕燈語半
更風雨蕭寥詩一軸雲山駘蕩壁雙清頃年我慣遊
吳會裙屐偏 教此處迎

龍門山

在資巖山西山勢高峻頂石對峙如門西北

爲大桐塢有永安塔西南爲西源峯北澗發源處也

湖山便覽卷五

北高峯

卑

楊梅石門

卽龍門山上對峙石也契嵩武林山志云

烏石西曰石笋又西曰楊梅石門又西曰西源可証

郭祥正楊梅石門 穎穎龍精赤深
深映石門自憐非荔子不得薦堯闈

石佛菴

在龍門山東北梁簡文帝嘗造迦葉維衛二

像于靈隱久失所在明萬厯間僧如盥夢佛身如芒

刺因披荒莽得此像建菴以奉四山皆竹湯煥書額

曰竹林精舍

陶望齡石佛菴 松間二石佛傳是
千年像日日苔蘚滋看看佛身長

吳寺團

在龍門山東南靈隱志云吳太后香火寺前

聚也有橋曰吳寺橋俗訛五寺

陳實五寺橋望諸雲
泉怡老處 瀑水當

禪境流雲度石橋松杉晴作雨噴蒼夜聞潮謝傳
空文漢鍾期又寂寥迴觀飛鶴去莫負白雲招

永安精舍 在大桐塢僧契嵩之退居後即其地為塔

院 楊蟠永安遇雨 九里松門雪過時籃輿孃孃礙
松枝雨留宿客還斜落風送行人却倒吹華表忽

驚黃鶴過耳中猶聽白猿悲來朝
勿着登山屐恐被人呼謝客兒

栗山 在龍門山西北晉書隋書地理志俱云餘杭郡

有栗山是也宋圖經云山高六十二丈周十八里二

百步下有飛泉二道上有石杵寰宇記云杵刻黃武

二年歲在戊午八月三日凡十二字臨安志云考吳

志黃武二年歲在癸卯後此十五年為赤烏元年方

湖山便覽卷五

北高峯

里

是戊午今此刻磨滅不存必記之誤西湖志云其石

潤二丈長一丈四尺驗之不類杵形臨安志只云石

柱近是 厲鶚曉入石人塢至栗山下看泉 初日照
深竹微霜溼如煦東山氣稍和崑崙此迴阻

石人不可即石杵杳何許唯有空林泉鏗鳴自終古
飛蘿濺輕烟灣碕漂翠雨泓泓惜遠寫激激復新吐

能令耳目清
相與為賓主

石人嶺 在栗山一名馮公嶺一名東墓嶺上為吳大

帝石杵舊志云有石人臥路旁石人即石杵耳嶺下

為石人塢越嶺為西溪

按石杵不類杵形故或以為柱或以為人各隨其
意所想象以名之耳其石橫廣而縱不及故云卧

路舊志山嶺兩傳世遂不知粟山石杵之所在矣近志更因石人之稱謂嶺卽女兒山尤令人茫然

吳宣靖王墓 四朝間見錄云憲聖父宣靖王先殯金

陵暨憲聖備妃册始勅改葬石人嶺下塋上有屋蓋

垂簾后父舊制也考王名近以憲聖后貴累官武翼

郎卒贈太師追封吳王其子益官至節度使進太師

封太寧郡王卒又追封衛王諡莊簡祔葬宣靖墓側

武林舊事云吳益王神道碑蔣燦書甚佳墓前二石

馬琢刻如生舊傳夜輒馳驟其鞅轡光瑩如玉

按此特吳后父近與后弟益墓田李二志竟稱吳后攢所誤

湖山便覽卷五

北高峯

望

時思薦福寺 在石人嶺下宋紹興末詔改下竺曰時

思薦福寺為吳后奉先香火慶元三年復下竺原額

別建時思薦福于此有宜對亭通雲亭天池樓雙珠

亭萬玉軒雨華堂及高宗御書心經吳后書金剛經

石刻凡舊志云吳寺者謂此葉紹翁宜對亭 講罷開來立矮闌袈裟衣薄

翠光寒請師莫起銀屏想只作當年面壁看○張雨

天池樓 天池一樓小如架擎出半天天雨華山圍

無着塔 舊在石人嶺晉天福二年宣城田頔縱兵啟

之內身不壞錢武肅王遣裨將邵志重瘞宋楊郡王

丈室獅子座寺屬三朝母后家時呼白猿聽奇句亦許飛仙餐紫霞我來把斷閭風日只留林角置袈裟

取為壽地復啟塔茶毘之遷餘骸于靈隱

釋元肇無着禪師塔

被啟有感 一定空山五百年不須惆悵啟 頽磚路邊多少麒麟豕過眼無人贈紙錢

茯苓泉 在石人嶺無垢院半山古松下臨安志云無

垢院光化二年吳越王建為無着禪師文喜道場慶

元中韓侂胄取為壽地遷院于靈石山彼山適有一

泉僧復種松泉上仍以茯苓號之近志因兩傳焉

顯親報恩寺 韓侂胄先塋功德寺也四朝聞見錄言

偕京倅吳公入天竺聞侂胄功德寺之勝甲于諸刹

相與游焉金碧沈耀真如天帝釋居吳欲徧游其山

湖山便覽卷五

北高峯

聖

主僧湛謝以病足不陪追侂胄敗湛者崎嶇由寺後

越石人嶺而遁挺身如飛乃未嘗病足蓋卽此寺

按此寺未見前志惟朝野雜記謂侂胄既殺葬其家先塋之顯親報恩寺後易地議起乃下臨安尹斷棺取首命通謝使往金交納與聞見錄所云登其母冢旁有蘆束淺土半露問之乃韓之尸其首已送之金也兩說脗合知韓功德寺其額為顯親報恩無疑

湖山便覽卷五